



Na osnovu čl. 64. stav (1) i 70. Zakona o javnim nabavkama („Službeni glasnik BiH“, broj 39/14) i člana 26. Poslovnika Visokog sudskog i tužilačkog vijeća Bosne i Hercegovine („Službeni glasnik BiH“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18 i 64/18), na preporuku Komisije za javne nabavke od 21.06.2019. godine, direktor Sekretarijata Visokog sudskog i tužilačkog vijeća Bosne i Hercegovine, donosi

O D L U K U **o izboru najpovoljnijeg ponuđača**

Član 1.

(Predmet odluke)

Ugovor o nabavci usluga održavanja servera i sistema za pohranu i back up podataka u data centrima za potrebe pravosudnog informacionog sistema, dodjeljuje se ponuđaču **BBS d.o.o. Sarajevo**.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji i sadrži prihvatljivu cijenu za predmetne usluge koja je u okviru budžeta planiranog za iste.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke isti ih je dužan dostaviti na način i u roku navedenim u Tenderskoj dokumentaciji.

Član 4.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na portalu JN, broj obavještenja: 172-1-2-26-3-38/19 od 27.05.2019. godine. Do roka utvrđenog u Tenderskoj dokumentaciji za predaju ponuda zaprimljena je jedna ponuda ponuđača BBS d.o.o. Sarajevo.

Komisija za nabavke imenovana Rješenjem br. 05-16-4-706-1/19 od 13.02.2019. godine konstatovala je da ponuda ponuđača BBS d.o.o. Sarajevo zadovoljava uslove tražene Tenderskom dokumentacijom (Zapisnik o pregledu i ocjeni ponuda broj: 05-16-4-1887-10/18 od 21.06.2019. godine je u prilogu ove odluke).

Ugovorni organ je tenderskom dokumentacijom predvidio primjenu e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16).

Obzirom da je primljena samo jedna prihvatljiva ponuda nije bilo moguće provesti e-aukciju a u skladu sa članom 3. stav (3) navedenog pravilnika.

Shodno navedenom, Komisija za nabavke uputila je preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-1887- 11 /19


Datum: 21.06.2019. godine

Prilog:

- kao u tekstu

Dostavljeno:

- Ponuđaču,
- Odjelu za finansije i računovodstvo,
- a/a.


MP
Direktor Sekretarijata
Admir Suljagić